

**Assertiones Philosophicæ Fusius Deductæ Philosophiæ
Peripateticæ communioris Epitomen exhibentes**

Leuren, Peter

Coloniae Agrippinae, 1681

xiv [i.e. xi]. Identitas sumpta fundamentaliter, non distinguitur ab unitate.

[urn:nbn:de:hbz:466:1-71607](#)

malis genericā fundamentaliter, utpote p̄-
bens intellectui fundamentum afficiendi ca-
dem individua unitate extrinseca specificā
formali seu universalī. Alia demum est unitas
universalis seu rationis, quae convenit rebus
extrinsecè ab intellectu cognoscente res mul-
tas per modum unius; hic enim cognoscendō
res, quae à parte rei dividuntur, ut homo &
equus, ita confusè, ut vi cognitionis illus
sciat quidem, se cognovisse animal, non pos-
sit tamen distinguere, an, quod cognovit, sit
equus, an homo, facit, ut homo & equus di-
cantur indivisa per intellectum, seu unum
ratione.

XI. IDENTITAS sumpta fundamentaliter & negativè non distinguitur ab unitate; sumpta formaliter relativè ac quasi positivè, superaddit unitati relationem rationis, quā res unā bis cognita secūm comparatur, & ad se ipsam refertur. Sic Petrus ante omnem in-
tellectum est secūm idem negativè, id est, non
est distinctus à se, est item fundamentaliter
idem secūm, id est, dat intellectui causam, ut
si illum semel cognitum cognoscat iterum,
judicet, esse eundem cum illo, quem ante
cognorat; dumq̄ue intellectus eundem ad

ſ 3

ſeip-

seipsum refert, est identitas formalis, seu relatio unius ad seipsum, quæ est relatio rationis, utpote in qua fundamentum & terminus non distinguuntur realiter.

XII. **DISTINCTIO** realis positiva, quæ est inter duo entia positiva (quorum si utrumquè sit res, vel etiam utrumquè sit modus, quorum uterquè esse potest, quin uniatur alteri, dicitur distinctio realis strictè vel realis major, si unum sit modus, alterum res, dicitur realis minor) non consistit in aliqua entitate rebus positivis superaddita; sublatâ enim omni entitate superadditâ, adhuc una res non est alia. Distinguitur item una Persona divina ab alia, quæ tamen entitatis superadditæ sunt incapaces. Nequè etiam consistit in negatione rebus distinctis suo modo superaddita; res enim per hoc distinguitur, per quod constituitur, non constituitur autem per negationem; habetquè per suam entitatem v. g. Petrus, quòd non sit Paulus. Ad hæc, si Petrus distingueretur ab equo per negationem identitatis cum equo, distingueretur ab eo per negationem Chimæræ, seu alicujus impossibilis. Per illud itaque formaliter constituitur distinctio, per quod